

طقیہ و خلیفہ

مطی دی
تشیو

قلمی ناں

پوراناناں

آبا جی

اماں جی

قوم

پچھان

تعلیم

جمن تاریخ

جمن بھویں

پتہ

ہن دا پتہ

ہن دا پتہ

طفیل خلتش

محمد طفیل

میاں دین محمد گل

چراغ بی بی

گل

پنجابی

جاری اے

۵ فروری ۱۹۴۷ء

ڈھاکے تحصیل فیروز والا ضلع شیخوپورہ

تاج کالونی۔ رانا سٹریٹ بالمقابل رستم سہراب

فیکٹری، شیخوپورہ روڈ، لاہور

فرینکفرٹ۔ جرمنی

پنجند اکیڈمی۔ دوسوریہ پل۔ لاہور

سبھے حق لکھاری دے

پہلی	دار
۱۱۰۰	گنتی
۲۳ x ۲۶	سائز
۱۶ مئی دی خبزو	ناں
• طفیل خلش	لکھاری
محمد ریاض خان	کتابت
موسٹ ویکم پرنٹرز، لاہور	چھپائی
موجود	ٹمائٹل
مارچ ۱۹۹۲ء	دبلا
پہنچند اکیڈمی	چھاپن والے
ریاض راجی	ناشر
Rs. [REDACTED]	مُل

ترتیب

۱۱	جان بچیان (سلیم کاشغر)
۱۵	دارت ریت دانشاعر (پروفیسر یونس احقر)
۲۵	یارب
۲۶	یارسول اللہ
۲۷	پچیان
۳۰	میرکھ
۳۱	بے زبان
۳۲	بھکھ
۳۳	سورے
۳۵	یاداں
۳۸	اکتارا
۴۰	چپ

۲۲	راٹھاں وی تاریخ
۲۸	یاد
۲۹	تخلیق کار
۵۰	جیون
۵۱	آکدی اے زندگی
۵۲	میرے خدایا
۵۸	تیرا خواب
۶۱	تھکیواں
۶۲	پانڈی
۶۲	بھلیا ہویا
۶۶	سوال
۷۰	ادبی اجلاس
۷۱	خوف
۷۲	ویلا
۷۳	وچھوڑا
۷۵	آپھل
۷۶	اک احساس

۷

مٹھے شاہ دے حضور

۷۸

بزدل

۷۹

طاعون

۸۱

پندھ

۸۳

ابن مریم

۸۵

سوالی

۸۷

مجرم

۸۸

نجومی

۸۹

اڈیک

۹۰

مستی دی خشتو

۹۲

بے اتبارا

۹۵

میں کیڈا چنگا ہوندا

۹۶

کوئج

۱۰۰

وانٹ ہاوس

۱۰۱

وند

۱۰۲

ڈر

۱۰۳

کشمیر

۱۰۲	اسیں وارث پنجاب دے
۱۰۹	بے حسی
۱۱۰	سوچاں
۱۱۲	کل تے آج
۱۱۸	وینس
۱۲۰	سنا راندر
۱۲۱	الوارڈ
۱۲۲	پورب کچھم
۱۲۷	تاہنگ

جان پچان

طفیل خلش ساڈے پنجابی لکھاریاں دی جوان نسل دا نمائندہ شاعر اے۔
 ادہی شاعری وچ اپنی صحت مند روایت نال ڈوہنگا پیارتے اپنے قدیم جان دار
 ورثے نال چوکھی محبت دا اظہار تھماں تھماں ڈلکاں ماردا نظری آؤندا اے۔ ایس توں
 ایہ نہ سمجھ لیا جاتے کہ ادہ جدید طرز احساس توں عاری اے بلکہ حقیقتے سچی گل تے
 ایہ ہے کہ ادہ زندگی دیاں بچیاں تے لکیاں ہوتیاں جذباتی کیفیتاں نوں نظم دا
 رُوپ دینا خوب جان دا اے۔ ادہ اپنے آل دوالے دی پوری طراں خبر رکھدا اے
 ادہ دے سارے مسئلے تہاڈے تے ساڈے مسئلے نہیں ادہ زندگی دی کافی ونڈ ویکھ
 کے حوصلہ ہارن والا شاعر نہیں بلکہ ایس کافی ونڈ دا نقشہ ہو ہو نظماں راہیں ساڈے
 سامنے لے آؤندا اے۔

ادہ اذہن صاف اے تے ادہ ابہام زدہ وی نہیں ایس لتی ادہ گل
 نوں توڑ موڑ کے اپنے پڑھن والے نوں کھمبل کھوسے وچ نہیں پاؤندا، ادہ
 دیہاتی دسول تے دیہاتی زبان دے سارے رس ساڈے سامنے انڈیل دیندا
 اے۔ ادہ بھانویں شہر دا وینک اے پر اندروں پینڈو اے۔ پینڈ دی زندگی
 خالص تے نزدیکی اے ایس لتی پینڈ دا پورا ماحول ہر ویلے ادہ دیاں اکھاں
 سامنے بچدار ہندا اے۔

مشینی دور نے شہراں وچ انسانی رشتیاں دی جھیری توڑ بھسن کیتی اے
 خلش اوس توں کٹھدا اے تے اوس دا ایہہ کٹھنا ای اوسدی شاعری دی، صا

بنیاد بن دالے تے ایہو ای وڈی وجہ اے جے اوس دارِ شتہ اپنی مٹی نال ہور وی
 پیکر ہندا چلا جاندا اے۔ اوہ اپنے ذہن تے سوچ دے خائیاں وچ دیہائی زندگی
 دیاں تصویراں و ساتی پھر دالے ایہہ تصویراں کھیتاں کھلیاناں دیاں ترنجاں تے چوپالا
 دیاں ساہنچھ تے پیار نال دسن رسن دیاں نہیں پر ایہناں نوں نظماں راہیں بیان دیاں ٹکل
 خلش نوں دینے نے سکھایا اے۔ اوسدے ہاں پنڈاں تے شہراں دی متضاد زندگی
 ہی شعری تخریک دا وڈا وسیلہ بن دی اے۔

میں پہلے کہہ چکا واں کہ ادہنوں اپنی مٹی نال چوکھا پیار اے تے ادہا ایہو
 پیار ای ادہیاں نظماں وچ جگنو واں دانگ نمی نمی تے چٹی چٹی روشنی کھلاری رکھدا
 اے ایہو روشنی زندگی دیاں کالیاں راہواں وچ اوس لسی قطبی تارا بن دی اے تے
 اوسنوں منزل دل ٹوری رکھدی اے۔

خلش اک جوان شاعر اے تے گدھرے گدھرے ادہے لہجے وچ تلخی
 دی نمایاں ہو جاندی اے۔ اک جوان آدمی زندگی توں جھڑیاں آساں تے امیدیں لائی
 پھر دالے اوہ جدوں پوری ہندیاں نظری نہیں آدندیاں تے ادہے لہجے وچ
 تلخی دا نمایاں ہو جانا اک قدرتی امر بن جاندا اے۔ ایہہ گل تجربے تے ویلے نال ای
 پتہ چلدا اے کہ زندگی دیاں تلخیاں ای زندگی دا اصل حصن تے ادہا روپ رنگ
 ہندیاں نہیں۔ پر خلش بے انت تجربیاں دے باوجود حالی عمر دے اوس حصے
 وچ نہیں پہنچیا جتھے پہنچ کے زندگی دیاں ساریاں کٹتیاں تے مٹھا ساں اک بک
 ہو جاندیاں نہیں۔

ادہیاں نظماں دے موضوع بڑے صاف تے ادہے مشاہدے ڈھیر
 کھلے ڈھلھے نہیں۔ نظماں دے عنواناں توں ایس گل دا نارا اپنے آپ ای ہو جاندا
 اے مثلاً "راٹھاں دی تاریخ"۔ "نجومی" بے اتارا "تے" پانڈی "ایسے عنوان
 نہیں جنہاں توں ادہی نظر دی وسعت دا پیرا آپلے آپ ہو جاندا اے پر ایہناں
 نظماں دے پڑھن نال پتہ چلدا اے کہ کیوں شاعر باہر دی منافقت بھری دُنیا توں
 اپنے اندر دل مراجعت کر دالے۔ کیوں جے اندر دی دُنیا ادہنوں ایس دل جھل

توں پاک تے صاف نظری آؤندی اے۔ دراصل اوہ باہر دی دینا نوں وی دل چھل
توں پاک تے صاف دیکھنا چاہوندا اے تے جدائیں دا ممکن ہونا نظری نہیں آؤندا
تے فیر اندر دل مراجعت قدرتی تے یقینی بن جاندی اے۔

طفیل خلش دیاں نظماں دے ایس مجموعے وچ کل ۵۵ نظماں شامل
نیں۔ اینہاں نظماں دے تھلے تھلے جہڑی لہر چلدی اے، میں اس دل کجھ اشارے
کرتے ہیں، تاں بے پڑھن والے نوں آسانی رہوے تے ادھنوں خلش دے تجریاں
وچ شامل ہون لگیاں وقت محسوس نہ ہووے۔ نظماں دے بند میں ایس کر کے دیباچے
وچ درج نہیں کیتے کہ نظم تے خود اک اکاٹی ہندی اے، ادھرے وچوں کوئی حصہ
درج کیتیاں نظم دا پورا تاثر سامنے نہیں آسکدا۔ نظم دا پوری طراں سواد لین لیتی
ادھنوں اول تون آخر توڑی پڑھنا بڑا ضروری ہندا اے۔ مینوں پک یقین اے کہ
ایہناں نظماں نوں پڑھ کے قاری شاعر دے تجریاں وچ پوری طراں شامل ہو کے
ایہناں توں لطف لوے گا۔

میرا مقصد طفیل خلش دے کلام دا تجزیہ کرنا نہیں تے نہ ای دوسرے
پڑچولیاں دا نگہ سیراں دیاں خوبیاں نوں نظر انداز کر کے تو لیاں دے عیب چھال
دا ارادہ اے۔ میرا مقصد تے اس خوشی دا اظہار اے، جہڑی مینوں ایہناں
زور دار تے خوبصورت نظماں نوں پڑھ کے حاصل ہوتی اے۔ مینوں خلش دا
ایہ مجموعہ پنجابی شعری بھنڈار وچ اک خوشنما دادھا لگا اے تے خلش دے
رُپ وچ جیوندے جاگدے آج تے آدن والے کل دا اک سچا تے انوکھا
شاعر نظری آیا اے جدھے نال ہنگارے بھرن لگیاں میرا پنجاب یقیناً عمار
محسوس نہیں کرے گا۔

سلیم کاشر

۱۸ فروری ۱۹۹۲ء

وارثِ ریتِ اشاعر

پنجابی زبانِ وِج پابندِ نظم دی روایت بڑی پرانی تے مضبوط اے تے اُوب
 وی ایہہ صنف لوکاتی دے مزاج دے وی یوہتا نیرے رہی اے۔ ایہدے راہیں
 شاعر کوشش کر دے رہے نیں کہ سماجی، مذہبی، اخلاقی تے قومی انگ توں اڈ زمینی
 تے رومانوی انداز دیاں نظماں زبان تے بیان دے حوالے نال ایس پدھر آتے لکھیاں
 جان کہ ادھناں وی تفہیم تے ادھناں دے ابلاغ وِج کوئی شے رکاوٹ نہ بنے۔
 سارے ادبی تے شعری لوازمات تفہیم تے ابلاغ دے عمل نوں سگون سوکھا سوہنا
 تے اثر بھریا بنان لئی ورتوں وِج لیاندے جان دے سُن۔ ایسے اچھی دا سٹاسی کہ
 ساڈے وڈھے وڈھے عالم فاضل شاعر اں دیاں لکھتاں پڑھے لکھے لوکاں دے
 نال نال عام لوکاتی وِج وی نہ صرف اگو جہیاں مقبول ہون دیاں سُن سگون مقصدیت دے
 تقاضیاں نوں وی برابر پورا کر دیاں سُن۔ نظم دے ایس اسلوب راہیں دلاں تے ذہناں
 دیاں کماناں وِچوں خیالاں تے سوچاں دے چلا تے ہوتے تیر سیدھے دلاں
 تے ذہناں تے جا کے لگدے سُن تے ایہناں نوں گھائل وی کر دے سُن تے قائل
 وی۔ حالات تے تقاضے سدا اگو جھے نہیں رہندے۔ تبدیلیاں دا فطری عمل ہر پاسے
 اپنا اثر پانداتے دکھاندا رہندا اے۔ مغربی ادب تے تنقید دے اثر ہیٹھ ساڈے ہاں
 پنجابی زبان وِج وی پابندِ نظم دے نال نال آزاد تے فیر نشری نظم نوں رواج ملیا۔ ایہہ
 تبدیلی کچھ نویاں دلیلاں دی لو وِج اک لوڑ وی سی تے تجربہ وی۔ فیشن وی سی تے
 فرار وی۔ ایہنے کسے حد تک عصری تقاضیاں تے لوڑاں نوں پورا وی کیتا تے کافی

حد تک ناکام دی رہی تے سچی گل اے کہ تفہیم ابلاغ تے تاثر وچ سہولت پیدا کرن
دے جیڑے نعرے نال ایہنوں رواج دتا گیا سی اوہے نعرے دی لاج رکھنا ایہدے
لے ممکن نہ رہیا۔ پر فیروزی نظم دی ایس شکل نوں کجھ ذہن ایسے مل گتے کہ اوہناں
فنی تے فکری حوالے توں ایہنوں ویلے نال ہم آہنگ کرن دانہ صرف چارہ کیتا،
سگول کامیاب کوششاں وی کیتیاں۔ آج پنجابی زبان وچ پابند نظم وی لکھی جا
اے تے آزاد وی پریشنی تے مادی دُور دیاں تقاضیاں پاروں مقداری حوالے توں
آزاد نظم آگے تے پابند نظم پچھے رہندی لگدی اے۔ جدوں کہ ایس ساری گل دانہ
پکھ آج دی ایہدے کہ جدید نوں تے آزاد نظم نے ادب وچ بھانویں رواج پالیا
اے پر لوکاتی وچ ایہنوں آج وی اوہ ماننا نہیں مل سکی جیڑی کہ پابند نظم نوں حاصل
رہی اے یا حاصل اے۔ میری جاچے ایہہ جدید دُور دا ادھواک تجرباتی تقاضہ اے
جیڑا ساڈے پورے قدری نظام وچ جاری اے تے ایہدے تے عمل دی ہو
رہیا اے۔ پر ایہنوں دل وی تے ذہن وی اتوں اتوں تسلیم کہ دے نہیں اندرون
نہیں۔

جدید تے نوجوان نسل وچوں بوہت گھٹ لکھاری ایسے نہیں جیڑے اکو ویلے
پابند تے آزاد نظم لکھ وی رہے نہیں تے ادھامان وی قائم رکھ رہے نہیں۔ ایس
حوالے توں جیڑا اک ناں بڑا نمایاں ہو کے تے اُبھر کے سامنے آؤندا اے اوہ
طفیل خلش دا اے۔ طفیل خلش ہوری آپ ہن بھانویں نوجوان نہیں رہے
کیوں جے اوہناں دے سردراک دی وال اوہناں دی جوانی دی گواہی دین لے تیار
کیہ موجود ای نہیں تے اُنج وی ادھ آج کل دیاں رواجی عمراں دے ادھ توں
کافی آگے نکل چکے نہیں، پر اوہناں دی شاعری آج وی جوان اے تے نت جوان
رہے گی۔

طفیل خلش دی شاعری دے نت جوان رہن دی گل میں رسمی یا
رواجی طور تے نہیں کیتی۔ ایہدے وچ ادھ سارے رنگ موجود نہیں جہناں دی

منگ ہر دور وچ رہی وی اے تے رہوے گی وی۔ ایس توں پہلاں چپ
 د موسم "دے ناں نال ادہ اپنیاں غزلاں دا مجموعہ دے چکے نہیں تے نہ صرف
 نقاد حضرات کو لوں سگوں جدید غزل دے مان تران شاعران کو لوں وی اپنی غزل
 دی فنی تے فکری کپیاتی دا لوہیا منوا چکے نہیں۔ اج ساڈے ساہنے ادہناں دیا
 پابند تے آزاد نظماں دا ادہ مسودہ اے جنوں ادہ "مٹی دی خشبو" دے ناں
 نال کتابی شکل دے رہے نہیں۔

"مٹی دی خشبو" وچ شامل نظماں پابند وی نہیں تے آزاد وی تے لمیاں وی
 نہیں تے نجیاں وی۔ تے ایس طراں نظماں دا ایہہ مجموعہ اوس کیاری وانگوں لگا اے
 جہدے وچ رنگ رنگ دے پھل دن سونیاں نہکاں کھلا رہے ہوں۔ ایہناں نکال
 تے نہکاں دے کئی احساس تے روپ نہیں۔ ایہہ جے ذہناں نوں معطر کرے
 نہیں تے اضطراب اشکار وی بنا دیندے نہیں۔ ایہناں پاروں جے نظراں نوں
 طراوت بلدی اے تے پیکاں اُتے اتھرو وی ترن لگ پیندے نہیں۔ ایہہ مقام تے
 مرتبہ بڑیاں گھٹ لکھتاں دے نصیب وچ ہوندا اے کہ بندہ ادہناں نوں پڑھنا
 تے اپنی مرضی نال شروع کرے پر اپنی مرضی نال ادہناں نوں چھڈ نہ سکے۔ اجہیاں
 لکھتاں اوس دریا وانگوں ہوندیاں ہیں جہدیاں چھلاں ترن واسے نوں اپنیاں دینیاں
 تے لوری دیندیاں اپنے نال لیتی پھردیاں ہیں تے ادہ ادہناں دے سنگ بھانویا
 کتا لہا پندھ کیوں نہ کر لیتے پر ادہنوں تھیکنویں دا احساس تیک نہیں ہوندا۔ طفیل
 خلش دیاں پابند تے لمیاں نظماں وچ جذبے دی شدت سوچ دی اچیاں
 تے جہاں دی روانی پاروں کجھ ایسی ہی کیفیت پیدا ہوتی لگدی اے۔ ایہہ نظماں
 اپنے تاثر پاروں بڑیاں بھر دیاں ہیں تے ایہناں وچوں شاعر دا اپنے فن مال
 خلوص دکھ دکھ پیندا اے۔

خلش پوری اپنے آپ نوں وارث شاہ دے وارثاں وچ شامل کر دے
 نہیں ادہناں دے ایس بیان دی سچائی بھال لیتی وارث شاہ نال ادہناں وی فکری

فتنی سانجھ دا ویرا ضروری لگدا اے۔ اک زو مانوی قصہ ہونڈیاں ہویاں وارث شاہ دی
 ہیر دی آنتاں دی مانا تے صلاحتا چھے اوہ سماجی شعور بڑا اہم کہ دارا دا کہ دا اے
 جیہڑا اللہ تعالیٰ نے وارث شاہ نوں وافر عطا کیتا ہویا سی۔ وارث دی ہیر نوں،
 پنجاب دی تاریخ ایسے پاروں آکھیا جاندا اے کہ ایہدے وچ اوس سمس دے پنجاب
 دے سیاسی سماجی، اخلاقی، اقتصادی، معاشرتی، مذہبی تے تعلیمی سبھتے پہلوواں
 تے بڑی دانشمندی مال چائن پایا ہویا اے۔ وارث شاہ نے اپنے ویلے دیاں
 رسماں تے رواجوں نوں اپنے عہد دی تہذیب نوں تے اپنے سمس دے وسیب دیاں
 شتیاں تیک نوں پنجابی زبان وچ اچھ مال محفوظ کیتا۔ آج جدوں اسی وارث دی
 ہیر پڑھنے آں تے اصل وچ اسی اوس ویلے دے پنجاب دی سورت نوں اپنیاں
 اکھاں نال دیکھ رہے ہونے آں۔ خلش نے پنجاب دی دستوں بارے اپنی نظم
 "کل تے آج" وچ جیہڑی واقعہ دتی اے اوہدے مطابق مانواں دا بچیاں نوں
 لوری دینا، بھیناں دا ویراں نوں کھڈانا، گڑیاں دا گدھا پانا، کھٹیاں پانی دے
 گھرے چک کے لیانا۔ ہاڑھینے کوٹھے کندھاں لبنا، ستوں وچ میٹاراں دا
 پنگھاں پانا۔ وناں دیھاڑاں تے مہندیاں لانا، ہسری ویلے ددھاں وچ مٹھیاں
 پانا۔ کنکاں دی واڈھی ویلے ڈھولان دا وجنا۔ پنڈاں وچ میلے لگنا۔ چاچے
 گنتے دامرزا گاڈنا تے ریکو دا جوڑی وجانا۔ گھبر وواں دا ڈانگاں تے کھونڈیاں
 نوں تیل لالاکے چمکانا، کھوہ تے جھلاراں وجنا۔ ولینیاں تے گنتے پیرنا تے چبے تانا۔
 ونگہ چارن جانا۔ ڈھولے تے ماہیے گاڈنا، ہلاں تے پنجا لیاں وچ بلداں دیاں
 جوڑیاں جو نا۔ کتے چھولیتے نوں توڑ کے ہولان بھننا، رل کے بوہراں تے پپلاں
 ہیٹھ بہنا۔ حقہ پینا تے سانجھے دکھ سکھ بھولنے۔ بابیاں تے بزرگاں کوں منڈیاں
 تے جواناں دا احترام ڈرنا، تے مائی عمراں دا سب لسی خیراں منگنا۔ خلش دے عہد
 دے پنجاب دا نقشہ اے۔ پر خلش نے ایہدے سب کچھ اپنے بچپن تے لڑکپن وچ دیکھیا
 دی تے مانیا دی۔ آج اوہنوں ایہدے سب کچھ گواچا گواچا لگدا اے۔ ایہوادہ گھاٹ

اے ایہادہ پھوڑاے ایہادہ المیہ تے دکھ اے جسے خلش نوں دکھی بنایا ہویا اے۔
 ادہ ترقی دے ناں تے مثبت قدراں دی بربادی تے مک بک رونا تے رونا اے۔
 پنجاب دے پیٹ دتے من موہنے ویسب نالوں وہری پہلی جدائی اودوں پتی جدوں وینوں
 روزگار دی بھال وچ پیٹ چھٹ کے شہر آوناپیا۔ ایتھوں دی دنیا بھانویں کجھ دپری تے ہور
 ایسی پرفیروی پیٹ نال کدے کہ اتیں رابطہ تے رہندا ایسی ایس پاروں جدائی دا دکھ
 بوہتا بھارا نہ لگا۔ پر کجھ جدائیاں فیرونی مارگیتاں تے شاعری دا لہجہ در دیلا ہو گیا۔ شہری
 جیاتی تے ایہدے رویاں نے کجھ نویاں سوغاتاں دتیاں سکھ تے سکون دے حاصل کرنیاں
 ساریاں کوششاں دا نتیجہ دکھاں تے جھکھاں دی شکل وچ ای نکلدا رہیا۔ نویں نویں موضوع
 تے سرنانویں ملدے رہتے "بزول" "میں کیڈا چنگا ہوندا" "ادبی اجلاس" "پانڈی"
 "وڈ" "اڈیک" "بگھے شاہ دے حضور" تے "تخلیق کار" جیہاں نکیاں نکیاں نظماں
 تخلیق ہونیاں رہیاں۔ ایہناں نظماں وچ موجود طنز، دکھ تے کرب تے نویں احساس
 دا اندازہ بخوبی ہوندا اے۔ ایہہ نظماں ایس پاروں اہم نہیں کہ ایہناں وچ شاعر سماج دے
 دکھاں دا ذکر ذاتی حوالے نال نہیں سکوں مظلوم طبقے دا ترجمان بن کے کدا اے۔ زمانی حوالے
 توں ایہادہ دوری جدوں مزدور تے کسان نوں پہلی واری اپنے حق دے حاصل کرن دا
 احساس دوا یا جا رہیا سی۔ حالات کجھ ایسے سن کہ طفیل خلش اوہناں لوکاں دے
 جھرمٹ وچ سئی جیہڑے مظلوماں تے مزدوراں دے حق دی گل کرن وچ بظاہر
 اگے اگے سن۔ ایس سمے لکھیاں جان والیاں نظماں وچ خلش ہوراں نرے نرے لعرے بازی
 دی شاعری نہ کیتی سکوں دھرتی نال اپنے پیار دا حالہ دیندیاں ہویاں "راٹھاں دی
 تاریخ" جیہی نظم لکھ کے احساس دوا یا کہ پنجاب دے دسینک بڑی عنبر تے اپرتی
 نال جیاتی کدے آتے نہیں۔ تے اوہناں نوں اپنی ایس کچھان نوں گوانا نہیں چاہی دا۔
 ایس نظم وچ ادہ زمینی حوالے توں حریت تے آزادی دے متوالے جی داراں تے
 بہادراں دا ذکر وی کدے نہیں تے علامتی انداز وچ مظلوم طبقیوں دے حوصلے
 ودھان دا فرض وی پورا کدے نظر آوندے نہیں۔ نظم "ایس وارث پنجاب دے"

والجہ وی ایسے انداز دالے، ابہدے راہیں شاعر اپنے قلمکارتے لکھاری ساتھیاں
نوں دی اپنی تحریک وچ شامل کرن لیتی پریر دالے۔ ایہناں نظماں وچ شاعر والجہ بڑا
توانا تے جذبہ بڑا ابھرواں تے طوفانی لے۔

دیلے دے نال نال طفیل خلش ہوراں جدوں اپنی اکھیں ویکھ لیا کہ
معاشرے وچ دوغلا پن دودھا جا رہیا لے۔ لوکاں توں دودھ آگوسکوں ابہد بوہتا
شکار نہیں تے حق دین دوان دی گل کرن دالے حق مارن وچ آپ آگے آگے نہیں
تے ادہناں نوں بڑا صدمہ ہويا۔ ادہناں نوکریاں دیاں نوکریاں وی چکیاں تے
کاروباراں دیاں ماراں وی کھا دیاں تے اخیر ادہ دی آیا کہ ادہناں نوں بھکھ
دا دکھ مکان لیتی پردیس دا رخ کرنا پیا۔ پردیس وچ قیام ادہناں دی جیاتی دانوں
تجربہ سی جنسے ادہناں دی شاعری تے وی اثر پایا۔ ”پورب تے پھیم“ ”تامہنگ“
”کل تے آج“ ”مٹی دی خشبو“ تے ”دینس“ درگیاں نظماں ایسے اثر تے
عہد دی تخلیق نہیں۔

جدید پنجابی نظم دے حوالے نال گل کیتی جاوے تے پنجابی وچ پردیس دے
دکھاں تے مشاہدیاں دے تجربے پہلاں توں وی موجود نہیں۔ پر خلش دی پردیس
دے حوالے نال کیتی جان والی شاعری دا تجربہ ادہناں توں آکا دکھرا نو بکلاتے
مثبت انداز دالے۔ پہلے شعری تجربیاں وچ شاعر مغرب دیاں بوداں وچ گواچے
گواچے تے اوکھوں دے ماحول دے اثر توں فکری طور تے دبلے دبلے لگدے
نیں جدوں کہ خلش دے ہاں انج محسوس ہوندا لے کہ ادہ یورپ وچ رہیا ضرور
لے۔ ادہ اوکھوں دی مادی ترقی دا اعتراف وی کردالے۔ ادہ ادہناں دے
قومی کردار دا وی منکر نہیں پر اوہنے ادہناں دی اصلیت نوں کدی وی اکھیوں
ادہلے نہیں ہون دتا۔ ادہ اوکھے رہندا ہويا وی پاکستان پنجاب تے پنجابیت
دے گاؤن گاؤن دالے۔ ادہنوں اوکھوں دے پھلاں نالوں اپنے دیس دے
کنڈے بوہتے چنگے لگدے نہیں۔ ادہ اوکھوں دے تے اپنیاں رسمیں ریتاں

دے موازنے تے مقابلے کر دالے پر اوتھے اک دی گل اپنے ورگی نہیں
دسدی تے اوہ وطن پرستی دے جذبے پاروں چیک اٹھدالے تے اکھدا
کہ ۷

جھتے دکھ ای دکھ اے فرودی جھتے جھکھ ای جھکھ اے فرودی
جی کر دالے اوتھے جاواں ادھدی دھوڑ دا سرسہ پاواں

(پورب کچھم)

نظم "مٹی دی خنبو" جنوں کہ نظماں دے ایس پورے مجموعے دا سرناواں
بن دا اثر وی لبیا اے ایہدے وچ اپنی دھرتی تے اپنے دیس نال خلش ہوراں
دی عقیدت دا اظہار بڑا آپ ہار اتے والہانہ اے۔ نظم "سوال" تے "پکھان"
وچ وی پنجاب دی گل کیتی گئی اے پر ایہتے انداز شکوے دالے کہ نوں دور
دیاں لوڑاں تے افراتفری نے پنجاب دیاں مثبت قدریں تے مبنی رسماں ریتاں
نوں مکا دتا اے تے مشینی دور نے ہر محبت دے نال نال بندیاں وچوں ستیا دا
دی ستیا س کہ دتا اے۔ نظم "دینس" خلش ہوراں دی حقیقت پسندی تے
ادھناں دے دیس پیار دے جذبے نوں بڑے سوہنے تے اثر بھرے انداز وچ
ظاہر کر دی اے۔ اوہ دینس دی تعریف وچ کسے سچل توں تے ادھے حسن دے
بیان وچ کسے کجوسی توں کم نہیں لیندا سگوں ادھے اک اک پہلو تے بڑی حقیقت پسندی
نال چائن پاندا اے۔ ادھے سہین دا پوری سچائی نال اعتراف کر دالے پر ایہتے وی
ادھنوں اپنا دیس اپنا پنجاب تے خاص کر اپنا لاہور نہیں جھلدا تے ادھے اندر
دا احساس پیکار اٹھدالے کہ ۷

بڑا سوہنا ایس دینس - پر

توں میرے لہور ورگا نہیں

طویل خلش ہوراں دیاں نظماں دا فکری تے علامتی کھلا بڑا کھلھا ڈھلہا اے۔

پر ادھے اپنے مرکز توں دور ہون لتی کسے صورت وچ وی تیار نہیں۔ ادھدی سوچ

دا مرکز ادہا دیس اے۔ ادہدی جیاتی دا مقصد امن پیار تے محبت اے۔ ادہدی
 تمنائے خواہش ٹٹے برشتیاں نوں گنڈھنا اے۔ ادہدی سدھر مثبت قدراں دی
 سرداری اے تے ادہدیاں کوششاں جیر تے ظلم دے خلاف نیں ادہ برابر ہی مساوات
 تے بھاتی چارے دا قاتل اے۔ نفرت ادہنوں اکا نہیں بھاندی۔ بھانویں ادہ اُپتے
 نوں نیںویں نال ہوتے بھانویں امیر نوں غریب نال تے بھانویں گورے نوں کالے
 نال۔ ادہدی نظر تاریخ تے وی اے تے جغرافیے تے وی نظم "سوالی" ادہدے
 تاریخی شعور تے امن پسندی دی دلیل اے جہدے وچ ادہ یورپ نوں مخاطب
 کر کے کھریاں کھریاں سناندا اے تے شیشہ وی دکھاندا اے تے نال ای اک کاتناتی
 سو بھجر کھن والے فنکار انگوں ایہہ منگ وی کر دا اے کہ ۵

مری ہر چیز توں لے لے

پر اے یورپ

توں میری شناسی دے دے

طفیل خلتش دی شاعری اک احتجاج دی شاعری اے ادہ جتنے وی ظلم تے
 بے انصافی یا زیادتی نوں دیکھدا اے ادہ ادہدے خلاف اپنے اکھراں دا تے اپنے
 جذبے دا فنکارانہ اظہار کر دا اے۔ "کشمیر" دے سرنا نوں بیٹھا ادہدی نظم اپنے
 پورے علامتی نظام نال کتا بھرداں تاثر پیش کر دی اے تے نال ای عالمی امن تے
 باختیار دعویٰ داراں دے کردار دا بھانڈا کسراں بھندی اے۔ ایہہ انداز دیکھو

۵ درہیاں توں ایس دھرتی اُتے

بھٹی تپدی پتی اے

اُتے بیٹی کالی ماتا

مانجا پتی ہلاوے

دایاں دی تھاں بھٹی وے وچ

بندے بھندی جادے

111153

کیٹرا آگ بجھاوے؟
"کشمیر"

"مٹی دی خُشبو" دا شاعر بڑی بے چین تے بقیرار رُوح دا مالک لے۔
اوہدیاں پوریاں نظماں دا مسطالعہ ظاہر کر دالے کہ اوہ سماج وچ اک تبدیلی دا
چاہوان لے۔ جیٹری تبدیلی ویلے نے لیاندی لے ایہہ ادہنوں وارا نہیں کھاند
تے جیٹری اوہ آپ لیانا چاہندا لے اوہ اوہدے ذہن وچ ضرور لے پر دوس
وچ نہیں۔ اوہدے دوس وچ صرف حرف نہیں لفظ نہیں خیال نہیں تے سوچاں
نیں تے ایہناں مال اوہ اپنا من وی پرچاند لے تے اپنا فرض وی پورا کر دالے۔
اوہدیاں نظماں پابند نہیں تے بھانویں آزاد۔ پر اوہنے اپنے آپ نوں ہر دو صورتاں
وچ پابندی رکھی لے۔ اک پاسے نہاتی دھوتی فکر داتے دوجے پاسے اُچھے
فن دار تے ایہو اوہ پابندی لے جہدی قید وچ رہ کے ادہنوں "مٹی دی خُشبو"
دا خالق بنن دا اثر لیا لے۔

پروفیسر محمد یونس اہتہ
صدر شعبہ پنجابی
گورنمنٹ ایم اے اڈکالج، لاہور
۲۸ فروری ۱۹۹۲ء

یا رَبِّ

اے
 مرے خدایا
 توں زندگی دے ہر اک فیکرتوں
 ازاد کر دے
 میں جس آزادی نوں سہکناں وال
 ادہ میرے اُتے حلال کر دے
 توں مہینوں صاحب کمال کر دے
 جے ہتساں میں تے جہان دی میرے مال ہستے
 جے روداں میں تے ایہہ فلک دی میرے مال روئے
 اے میرے مولا مرے خدایا
 کدی کدا نہیں تے انج دی ہووے

یا رسول اللہ

کیسے آکھاں
 میں آپؐ دی نعت
 تیسرا، اول آخر عمولا
 کیسے میری اوقات
 کھتے میں مسکین نمانا
 کھتے آپؐ دی ذات

پہچان

میں تہذیب تمدن وال تے میں قدران دی جان
میں شاعر درویش آل لو کو! میرے مال جہان

میری سوچ سمندروں ڈونگھی میرے جذبے لہر
میں پنڈاں دی مہر محبت میں رونق وچ شہر

میں ہالی دے تن دا مڑھکا میں بلداں دی ٹور
میں بوری دے گل دی ٹلی میں چاٹی دا شور

میں واواں دی ٹور شیلی میں ندیاں دا گاون
میں رتاں دی سوہنی خوشبو میں چیتیر میں ساون

میں آں مٹھل، دھرتی دا گھنا میں پلاں دی چھاں
میں آں پنگیہ دامتست ہلا را، گھکی میرا ناں

میں آں چہر خا وچ تر بنجناں میں تکلا میں تند
میں دو مہٹی دے کن دا جھمکا میں آں بازو بند

میں الہڑ نیناں وچ سہرمہ میں مہندی دارنگ
میں ٹیار دے دل دی دھڑکن میں جھانجہ میں فنگ

میں بالان دا سچا ہا سا ماں دا نگوتے سیت
میں بڈھیاں دے دل دی سدھڑ میں گھڑو دا گیت

میرے ساہ کول دیاں کواں میں بنیڈے داراگ
میں چڑیاں دی چوں چوں جس ناں خلقت پندی جاک

میں آں چڑھدے دن دی لالی میں سورج دی ڈھپ،
میں کاواں دا فخری رولا میں راتاں دی چپ

میں چمٹا میں جوڑی، تونبہ میں ڈھولی دا ڈھول
میں میلے وچ چھال چھڑپا، میں کوڑی میں گھول

میں رانجھے دے سار دی و نچھلی میں مرزے دا تیر
میں سوہنی دے عشق دا ورقہ میں وارث دی ہیر

میں پنچیاں دی پگ دا شملہ میں عزت میں آن
میں رسماں ریتاں دارا کھا، میری اچھی شان

میں راوی، میں بیاس تے جہلم، میں آن اکھن جناب
جیہڑا عشق دے باغ وچ کھڑیا میں اوہ پھل گلاب

میں دھرتی تے پیار دا خطہ میں جنت دا خواب
خلش جی مینوں دُنیا جانے میرا ناں پنجاب

مہرکھ

اچھے بٹے جند نہیں
 ڈھاباں دے دیج پھل
 میحلاں سورج کھایا
 جھکیاں دیوے گل
 دھرتی بنجر ہو گئی
 تھل بن گتے دریا
 رکھ آج اوترے ہو گتے
 پیڑ لے گئی وا
 بھکھاں کھاوا سوچ نوں
 عقلاں لے لتے پھاہ
 مرزے چھڈیا ویس نوں
 عشق توں بے پرواہ
 صابجاں کیہڑی آس تے
 بہہ جاتے نل کے راہ

بے زبان

وَ نَجھلی تے پگڑی تیرتے کمان کھوہ لئی
 میسے توں میری قوم دی کچھپان کھوہ لئی
 تہذیب دین واسطے ویلے دے حاکماں
 میرے توں میری ماوری زبان کھوہ لئی

بھکھ

نوکر روٹی کپڑے دے
 تے کجھ نقد ریال
 اک ریال دے پنج روپے
 عمراں دی بھکھ کٹن دے لتی چنگے نہیں
 ونہہ ورھیاں دا کڑیل گھبرو
 دو ورھیاں وچ مرل ہویا
 شام نوں واجاں مارن والی کدوں دی مرگتی
 وڈے بکسے وچوں کڈھیا
 زم زم دے مال دھوتا ہویا ماں دا کھنچن
 ونہہ ورھیاں دی بھین دا زیور

تے کچھ کپڑے
 بنائیں دیکھی پٹی گھنٹیوں اے نہ چھٹی
 نہ بنیا نواں مکان
 نالے حج تے نال ہپار
 کروا کل جہان
 دیزے لگدے جان

سوکے

اَساں جھوٹ نوں سچ بنایا
 ملی سچ دے موہنتے سیاہی
 سُو رمیاں نوں کھونڈے کھوہ لے
 اَساں پنجاں دی پگ لاہی
 چرخے کھڑھ ترنجنوں سٹے
 اَساں اٹیرن ساڑے
 سالوواں نوں اَساں اگاں لائیاں
 اتے رتے جوڑے ساڑے
 گھوڑی چڑھن توں پہلاں لاڑے
 اَساں سولیاں اتے چاڑے
 فیروی ساہنوں بڑول آنکھو
 فیروی ایس ہاں ماڑے؟

یادواں

ساں نیکے نیکے ہونڈے
اسیں پنڈوے کڑیاں منڈے

اساں نم دے تھلے بہناں
فرمائی عسراں نے کہناں
منڈے کھپڈن کھڈو کھڈمی
کڑیاں کھپڈن ٹہناں

اساں دَب کے کھپڈ مچاؤنی
فیر بہہ کے جگنی گاؤنی
جدرت ساون دی آؤنی
اساں نم تے پینگ چا پاؤنی

سب لمے لین ہلا رے
مائی عمراں دے پچھو اڑے

فیسر بدل آؤنا گج کے
اوس مہینہ ورساؤنا رچ کے
اساں رولا پانا رل کے
پنڈے تے گارا مل کے

اساں پاتی دے وچ کڈناں
فیر تہک تہک کے ڈگناں

جد روندیاں نے گھر جانا
فر بھیناں نے پرچانا
اماں نے سینے لانا
کوئی مہٹھا بول سنانا

اَج گزِرے سال مہینے
 مہین کوئی نہیں لاندائینے
 اوہ کدھر گئے دھاڑے
 کوئی دیوے پرت اُدھائے

میں دیاں جوانی اوہنوں
 جیہڑا پچھن موڑے مہینوں

اکتارا

آؤ!

میرے نال کھیدن وایو
 گزرے ہوتے جیون وایو
 اک پل موڑ لیا تے
 آؤ رل کے گلاں کریتے
 آؤ رل کے گایتے

جیون دے نال ہنڈن والے دکھاں نوں کھل جایتے
 آؤ بنایتے گگھو گھوڑے
 ریت دے گھر بنایتے
 آؤ کھید رچایتے

کال دے نیچے پھرن دی خاطر پاپاں اُتے چڑھتے
 آؤ کھیدتے لکن مٹی اک دوجے نوں پھرتے
 پر میرے نال کھیدن وایو

ہن نہیں مہیتھوں بھجیا جاندا
دل داروگ اے ودھ جاندا

خورے کس پل
اکتارے دی تارنے وی ٹٹ جانا
روح دے پھنچی نے فر خورے
کیہڑے کوٹ نول اڈنا

نال میرے رل کھینڈن والیو
میرے کول نہ آوناں
بیتے ہوتے کسے وی پل نول
کدی نہ موڑ لیا وناں
ایہہ کم کدی نہ کرنا
جیوندیاں دے نال جیوندیاں رہنا
موپیاں نال نہ مرنا

چُپ

کوئی آوے میسر شہر وی
ایہہ صدیاں وی چُپ توڑے

ایہہ ٹُٹیاں ہوئیاں ونگاں
ایہہ پاٹیاں ہوئیاں پگاں
ایہہ گونجیاں بولیاں گلیاں
ایہہ اُجڑے اُجڑے ویہڑے

ایہہ فحراں دے رنگ کالے
ایہہ سہمیاں سہمیاں رُتال
ایہہ تڑکے تڑکے چہرے
ایہہ پتھراں ور گیاں اُکھال
اُکھال وچ خوف دے ڈوے

ایہہ ٹکچیاں ہویاں چلبھیاں
 ایہہ ٹیٹیاں ہویاں قلمیاں
 ایہہ کھلرے کھلرے اکھر
 کدی جڑ نہیں سکے جہڑے

کوئی آوے میرے شہر دی
 ایہہ صدیاں دی چپ توڑے

راٹھیاں دی تاریخ

اسیں واسی دیس پنجاب دے
 کیہ سچھدے او ساڈا ناں
 سانوں جمیا پنجیاں پانیاں
 ایہہ دھرتی ساڈی ماں

سانوں لوری وئی موسماں
 ساڈا چھیا مکھ ہوا
 آساں ناں پھلاں دے کھیڈیا
 ساڈے رُکھ سن بھین بھرا

سانوں کیہڑی ماں نے جمیا؟
 ایسے کس دے پتر ساں؟
 ساڈی سوچ نوں کھا دا کڑکیاں
 ایسے بھل گتے اپنا ناں

ایسے واسی دیس پنجاب دے
 کیہ پچھدے او ساڈی ذات
 ساڈا سورج سونا ونڈ دا
 ساڈی پچاندی، ونڈے رات

ایسے مرزے ورگے سورے
 ایسے بھٹی ورگے شیر
 سانوں تارے دیہن سلاہیاں
 سانوں سجدہ کرے سویر

آج ککھوں سانوں بھل گتے
 ساڈی پچھے کوئی نہ ذات
 ایسے گھٹیاں دے وچ رل گتے
 سانوں بھل گتی اپنی ذات

ایسے وای دیس پنجاب دے
 کیہ کچھدے او شہر گراں
 جتھے جھم پاون ٹاہلیاں
 جتھے بوہڑوی ٹھنڈی چھیاں

جتھے بابل عزتاں پالدے
 جتھے بھیناں مان بھرا
 جتھے لاج نبھاون لاڈیاں
 جتھے گستا شرمچیا

آج کھجھل ہوتے زمین تے
 سانوں جھلدی نہیں کوئی تھاں
 ساڈا اپنا آپ گواچیا
 سانوں بھل گتے شہر گراں

ایسے وای دیس پنجاب دے
 کیہ کچھدے او ساڈا حال
 ایسے اپنے آپ نوں بالدے
 آج سوچ دا بالن بال

ساڈے جسموں رُوحاں وکھ نہیں
 ساڈے تن من لیسر و لیر
 سامتوں ساریاں شانان کھیاں
 ایسں ہو گئے اُج فقیر

سانوں ویلے وین و لیا
 جیویں ویلی جاتے کیاہ
 نہ اکھاں دے وچ اتھر و
 نہ سینوں اٹھدی ہاہ

ایسں چاک ساں اپنے عشق دے
 ہن بن گئے جگ دے چاک
 اُج ساڈے سر وچ رڈ کدی
 پتی ست راہواں دی خاک

سانوں ویلے ایسا کیلیا
 ساڈے مر گئے نہیں احساس
 ایسں اپنی رت نول پونڈے
 ایسں اپنا کھاندے ماس

ایس اپنے شہرنوں ڈو بدے
 ایس آپے توڑ دے بسخہ
 ایس اپنے گھرنوں لٹ دے
 ایس آپے لاؤندے نسخہ

اساں جہڑے جمے سورے
 اوہناں بانہواں لئیساں وڈھ
 اساں جہڑی سوچ نون پالیا
 اوہنوں دیسوں دتا کڈھ

ایس راٹھ ساں دیس پنجاب دے
 سانوں ویلے کیتا بیچ
 آج اک ویلے دی جھکھ لتی
 ایس پکے دیندے دتیج

سانوں ویلے قیدی کر لیا
 ساڈے چار چھیرے جال
 ساڈا ماضی کتے گواچیا
 ساڈا رکیہ پچھدے او حال

ایسے واسی دیس پنجاب دے
 ایسے جگ دے ہوتے غلام
 آج گل وچ بھکھ دے طوق نہیں
 سانوں کہیہڑا کرے سلام

یاد

میرے کولوں دی لنگھ جا
 جسراں چیت نہننے دے وچ
 پھلاں کولوں وار
 اپنے نال توں لے جا
 میرے جھٹے دی خشبو
 ایس خشو نوں نال لے جا کے
 ونڈ دیویں وچ گکراں
 گکراں دے جد پھل کھرن گے
 میرا چہرہ یاد آوے گا
 پھلیاں توڑ کے سنگھیں گیتے
 فرآوے گی
 میرے جھٹے دی خشبو
 لنگھیں نیڑے ہو

تخلیق کار

سی جہڑے ویلے
 اساڈے رب نے
 اُداس رُو حال نوں جسم دتے
 تے فیر جہاں دے چہر یاں تے
 اپہ لیک دتا
 تیں او شاعر،
 تیں مُصوّر،
 تیں لکھاری
 تے ایس کلمے دے پچھوں لو کو!
 اُداسی ساڈا نصیب ہونی
 اُداس نہیں ہے
 جہاں اندر
 اساڈے ورگا
 رکتے وی کوئی!

بیویوں

سارا بیویوں سولی اُتے

کیہڑا کھٹے

اپنی قور لیتی ٹویا ایسے

کیہڑا کدھے

روٹی دی تے بھکھ بیویوں دی

کدی نہیں مکدی

عشق دی چورنی، پھل دی خشبو

کدی نہیں لکدی

ادہ مر جانڈے جہڑے سچ توں

ڈر جانڈے نہیں

ادہ جیوندے نہیں جہڑے سچ لئی

مر جانڈے نہیں

آکدی اے زندگی

آکدی اے زندگی مینوں وی بل کے دیکھ لے
میں تر اسایاواں مینوں وی پرت کے دیکھ لے

تیری خاطر نپد صدیاں دا میں کسراں کٹیا
کس جہانوں نکلیا میں کس جہانے سٹیا

تیرے لئی میں دیکھ آکے مھیس کیہ پبہ بدلیا
کس طراں میں تڑپیا تے کج پل پل ترسیا

تیری خاطر پیل چھڈے جنگلیں رہندا رہیا
تیری خاطر نال طوفاناں دے میں کھیندا رہیا

تیری خاطر آگ دے دریا دے وچ تر دارہیا
تیری خاطر زندگی میں دارتے چڑھدا رہیا

تیری خاطر زہری بیٹھا واں کھنی وار میں
تیری خاطر پتھراں دے نال کیتا پیار میں

تیری خاطر دل دے اکٹائے تے میں گاؤں دارھیا
تیری خاطر میں تے تھی ریت تے سوں دارھیا

تیری خاطر ننگے پیسے طور ہتے جاندارھیا
تیری خاطر جوگی بنیسا مندواں پاندارھیا

تیری خاطر میں سمندر ویکھ لے نہیں پھول کے
تیری خاطر ویکھ لے بھاڑاں دے سینے کھول کے

تیری خاطر فجر دے منٹھے نوں چمکاندارھیا
تیری خاطر رات دی میں زلف سلجھاندارھیا

تیری خاطر امبراں نوں ہتھ پا بیٹھا واں میں
تیری خاطر تاریاں تے ڈیرے لا بیٹھا واں میں

تیرے لہتی قربان اپنے تن تے من کہتے نہیں ہیں
تیری خاطر بچھ نہ کہہ کیہ جتن کہتے نہیں ہیں

آ ذرا اک وار میرے رُو بڑوتے دیکھ لے
شوق میرا دیکھ میری جستجو تے دیکھ لے

مڈتیاں ہو یاں نہیں تینوں بھالدا پھرنا واں میں
ساڑ دا سینہ تے جٹہ گالدا پھرنا واں میں

میرے خُدا یا

زمین اُتے بنے خداواں دے
 اے خُدا یا۔
 شہنشاہواں تے بادشاہواں دے بادشاہا
 تیرے باہجوں میرے خُدا یا
 کنہاں دے کولوں امن دی خاطر
 میں بھیک منگاں
 کہ : تیری دھرتی تے حاکماں نے
 جیات تیرے ای بندیاں دی ہے تنگ کیتی
 امن دے ناں تے ہے جنگ بازاں نے ہے جنگ کیتی

اے میرے مولا
 میں کس دے کولوں زمین دے موسم اُدھار منگاں
 کہ : سارے موسم زمین دے اُتوں
 زمین دے واسی نہیں آپ کھا گئے

ایہہ رنگ پھلاں تے پتراں دے سیاہ کر کے
 زمیں دے سینے تے پھٹ لاگتے
 ایہہ ہماک وند دی ہوا دے مالک
 یس کس دے کولوں ہوا داں نوپاں اُدھار منگاں
 کہ : ہن ہوا داں نہیں زہر بھریاں
 ایہناں ہوا داں نے زہر سارا
 ساری دنیا تے وند ویا
 اڈن والے پچھرواں نوں دی مار دیا
 چرن والے ڈنگراں نوں وی ساڑ دیا

ایہہ ساہ جیاتی دے دین والے میرے داتا
 اُدھار منگاں۔ کس دے کولوں میں زندگی نوں
 ضحیف بندے شفیق مانواں
 جوان لاڑے تے لال ونگاں
 اوہ بال سوہنے، جوان نار اں، جوان لاشے
 معصوم چہرے تے پاک ہاسے
 مرن توں پہلاں نہیں جہڑے مر گتے
 لہو دے دریا دیوچ تر گتے
 ایہناں دے ساہنواں نوں کس توں منگاں

کہ : سارے ساہواں نوں
 آخری اک ساہ بنا کے
 ہے جنگ بازاں نے وچ دھوں دے کھلا روٹا

مرے خدایا
 میں کس توں ہاواں اُدھار منگاں
 کہ : ہسُن تے ہاواں نوں بھرن والے
 فراخ سینے ای پاٹ گتے نہیں
 تے نین ندیاں دا سہارا پانی
 ای سُک گیا اے تے مک گیا اے
 ہسُن اکھاں نے دی ہے پتھراں دا لباس پایا

حُسن دھرتی نوں دین والے
 اے چتر کارا
 میں کس دے کولوں سفید کپڑے دا کفن منگاں
 کہ سارے لیڑے تے نال ہو دے نہیں لال ہو گتے
 تیری زمیں تے نہیں جنگ بازاں نے
 ٹوٹے کٹھے تے چھیک بھیتے
 شہر جنگل تے پنڈ سارے

پھوڑیاں دے نیں وانگ پکتے
 سٹریاں ہوئیاں تے لہوچ ڈُبیاں
 لے اُنت لاشاں دے واسطے میں
 لبتیاں کو تے کھتے کھتے
 قوراں کڈھاں تے کتے گڈاں
 کون پاوے گا آکے ایہناں تے
 دین لے تے چیک ہاڑے
 تیری دھرتی تے امن ہووے گا
 کس دہاڑے
 مزلیاں توپاں تے راکٹاں دے
 بساں ٹینکاں تے لانچراں دے
 کھڑاک اندر
 آواز میری گواچ گئی اے
 آواز میری گواچ گئی اے
 میرے خدایا : میرے خدایا

تیرا خواب (قائد اعظم)

تینوں لکھ سلا ماں بابا
ہیں اک تیرا کاماں بابا

جد دی ہوش سنبھالی بابا
دیکھی نہیں ہسریالی بابا

تیرے دیس دے واسی بابا
خاطر آزادی دی بابا

آج تک ہونڈے پتے قربان
آزادی دی اچھی شان

دیس تیرے نوں چوراں کھاوا
اپنیاں کھاوا ہوراں کھاوا

اُچیاں کندھاں چار چونی کے
پتہ قیدی ہو گئے تیرے

دیس دی دھی دے کھٹے وال
روندے ننگ پٹنگے بال

مہر گتے نہیں مزدور نمانے
ہالی ہو گئے نمو جھانے

حق لیتی جہڑا واج اٹھاوے
سولی اُتے پھجیا جاوے

دیس دے بندے نہیں مجبور
تیریاں سوچاں حکپنا چور

دیس ترے وچ گھپ ہنیرا
کہ ہووے گا سوہجھ سویرا

حاکم بن گتے نہیں حیوان
 بے وس ہو گتے نہیں انسان

غیراں کو لوں منگ منگ کھاتے
 آزادی دے نعرے لاتیے

تیرا خواب ادھورا بابا
 کون کرے گا پورا بابا

تھکیواں

ست سمندراں دے وچ تر کے

دیکھ لیا اے

دھرتی دی ٹیشی تے چڑھ کے

دیکھ لیا اے

چھانویں بہہ کے دُپھٹے سڑکے

دیکھ لیا اے

جیون دے لئی پل پل مر کے

دیکھ لیا اے

ہن تے جی کر دیا اے میرا
موت دے متھے اُتے لکھ کے

جیون دا سسرناواں

دور

کتے ٹر جاواں

سڑکے پرت نہ آواں

پاندی

پوہ پھڈی اے
 ٹرپینا وال
 موڈھے تے اک رستہ پاکے
 جس دے وٹ وی
 میرے ڈھڈیاں وٹاں ورگے نہیں
 لم سلتے رستے
 کالیاں پکیاں سبٹر کال
 سوہنیاں نویاں کاراں وچوں
 واج آوندی اے
 بھار چکیں گا
 میرا ننگا پنڈا تک کے
 کوٹ لے مائی والا باو
 بوجھے وچوں کڈھ کے مینوں
 اک روپیا دینداتے

میرے بھکھے ڈھڈھیاں وٹاں دیوچ
 ہو روی وٹ پے جانڈے نیس
 سولج دے پرچھانویں وانگول
 میراں آساں بڈھیاں ہو ہو جانڈیاں نیس
 ٹیٹیاں تھکیاں بانہواں لے کے
 رات دے گھپ ہنیرے دیوچ
 گھر جدوں میں مرنا وال
 مبینوں گھر وی نظر نہیں آوندا
 بال وی میرے بھکھے بھانے ستوں جانڈے نیس
 تے میں اگلی پوہ ٹھٹن دی
 تاہنگ رکا کے سینے دیوچ
 تارے گن دار ہنا وال

بھلیا ہویا

اک دن سِنا
 بھابی داراں
 اک میٹار نوں کھندی سی
 رہ رہ چیتے آؤندیاں نہیں
 گلاں اوس
 طفیل دیاں
 چاچے دین دا پترسی جو
 کناں چنگا ہوندا سی
 جداوہ نکا ہوندا سی
 کناں سوہنا ہوندا سی
 گلپیں موہنا ہوندا سی
 سبھ نال کھٹھا کردا سی
 ہس ہس گلاں کردا سی
 خشتیاں ونڈ دا پھر دا سی
 دلاں نوں گنڈھا پھر دا سی

پتہ نہیں کس پانی نے
 اوہدے ہاتسے کھوہ لتے نہیں
 چُپ چپتیا رہندا اے
 کل موکلا بہندا اے
 سوچیں ڈُبا رہندا اے
 وہیں کھٹیا رہندا اے

نظراں کس دیاں لگیاں نہیں
 سدھراں کس نے ڈنگیاں نہیں
 اوہدے مُنڈتے رُوپ نہیں تکیا
 کئی بہاراں لسنگھیاں نہیں

بے سمجھی وچ بھابی داراں
 کنیاں گلاں کر گئی سی
 اکھتیاں دے وچ، منجو بھر کے
 اوہ مٹیوار
 خورے کسراں گھر گئی سی

سوال

آج کوئی نہیں منصف لبھدا میں کنہوں کراں سوال
کیوں بھل گئے گاؤن جھلاروں تے سکا گئے نہراں کھال

آج بلاں شور چاندیاں تے سنی نہ جاوے گل
آج ہاڑے پاؤن پنجالیاں تے روئے پتے نہیں ہل

آج خورے کنہے کھوہ لٹی پلاں دی ٹھنڈی چھاں
نہیں بال ایانے کھیڈے نہیں واجاں دیندی ناں

کیوں گبھرو پیلے زرد نہیں تے بھستے بھستے بال
آج خورے کنہے کھوہ لیا اوہ ساو دا رنگ لال

اُج تھاؤں تھا تیں اُداس نہیں کیہ بھیناں تے کیہ پر
اُج بال پتے چیکاں مار دے ماواں دے سسکے شیر

کیوں اُدھل گئیاں رونقاں کیوں چیاں چار چھیر
کوئی کڈھدی نہیں کروشیا کوئی اُن دی نہیں چنگیر

بس بھلیاں اُج دندا سٹرے مہندی دی بھلی ریت
اُج کوئی نہیں گاؤندی گھوڑیاں نہ گدّا تے نہ گیت

نہیں کڑیاں کر دیاں میڈھیاں نہیں مل کے ہندیاں راہ
ٹٹ گتے تیں چرخے رانگلے تے پھٹ پھٹاوتے کیا

اُج ہو کے بھردیاں پونیاں اتے سہک رہی اے تند
ادہ کتھے ہیہ سہیلیاں تے سہتی ورگی مند

اُج جھٹے لیر و لیر نہیں تے لوں لوں مارے ہاہ
اُج بیسے ہوتے اُداس کیوں و بھلی دے کھسے ساہ

باغیں نہیں کوتل بولدی نہیں بسینڈا لاؤنداراگ
 آج مرزا سٹا سٹوں گیا نہیں صاحبان کہندی جاگ

کیوں ڈیرے سُنجے ہو گئے کھپڈاں دے مُمگے چا
 آج پتے کہ لاندے رُکھ نہیں کیوں پنگھیاں دتیاں لا

آج لنگھیاں کتی وسا کھیاں آج کون و جاوے ڈھول
 آج کوئی نہیں جگنی گا وندا ماہیہ دے مھل گتے بول

کدی اک سی سوہنی رُڑھ گتی آج رُڑھ گتے شہر گراں
 آج کوئی دی عزت بیگ نہیں جو پاوے پیر جہناں

آج جوگی جوگ نوں مھل گتے نہیں گروادہناں نوں یاد
 آج حُجرے شاہ مقیم دے جا کون کرے فریاد

اوہ کتھے کھدو کھونڈیاں اوہ کتھے تیر کمان
 آج سہیاں سہیاں سدھراں تے مقرر مقرر کنبے جان

اُج چوچک اُگے جا کے پتے قاضی جُغلی لان
اُج کیدو وچ مسیت دے پیا دیندا پھرے اذان

اُج پنڈاں وچ ادا سیماں تے شہراں وچ ہنیر
کس کھوہیاں ہر مجتتاں نفرت دے لاتے ڈھیر

ایس رُزے بنے مشین دے ساڈھی نچر گئی اے ت
ایس ڈب گتے وچ ہنیریاں اُج نہ دیوا نہ بت

سانوں مھکھ نے گھیرا بالیا سانوں مانی دیوے کون
اُج چیکاں ساڈے بخت نیں ایس نچراں گتے گاؤن

ادبی اجلاس

کٹھیاں بہہ کے
 اک دُوبے نوں
 اپنے دُکھ سناتے
 نوں نوں دُکھ لبھن دے لہجے
 مڑ کے وچھڑ جاتے

خوف

اَساں جیاتی دے مکھڑے تے
 پتھر مارے
 تے لہو ڈلھیا
 ڈلھن والے لہو دے وچوں
 نویں جیاتی جمی
 جمن والی نویں جیاتی دے مکھڑے تے
 کپھڑا پتھر مارے
 اپنے لہو دے خوف دے پاروں
 ڈر گئے سارے

ویلا

دن چڑھیا جدک گتے تارے
 بل دا گھگھو وا جاساں مارے
 لے کے ڈبہ ٹکر والا
 چھیتی چھیتی آ
 ٹنگ لے باہنواں
 پیہ دے پتھر
 حق حلال دی کھا۔

شام سہی دن ڈھل گیا سارا
 گھگھو پیا کرلاوے
 لوٹے لوٹے گھرنوں سجناں
 ٹوڑا ٹوڑا جا
 تڑکے آ

وچھوڑا

جنتے وگدی لے راوی
 جنتے چلدا جھناں
 ہسٹھاں چرخے دی کوک
 اُتے پپلاں دی چھاں

جنتے پایا اسال پیار
 جنتے کتے اترار
 کوں بھل گیا توں
 مینوں بھل دی نہیں تھاں
 جنتے وگدی لے راوی
 جنتے چلدا جھناں

مینتھوں رس گیا ہا سا
 مینوں بھلیا دند اس

نہ اوہ مہندی والے ہتھ
 نہ اوہ چوڑے والی ہاں
 جتنے وگدی اے راوی
 جتنے چسدا جھنناں

توڑاں چوڑی کٹھیاں فال
 کہنوں پچھیاں تیرا حال
 انج بیٹے کتنے سال
 کدی بولیا نہیں کاں
 جتنے وگدی اے راوی
 جتنے چسدا جھنناں

اُپھل

ایسے وی کئی پھل کھڑے نہیں
 جنہاں دے وچ
 ہن مینوں خشبو نہیں آوندی
 جنہاں دے رنگاں تے
 ہن اتبار نہیں آوندا
 جنہاں دے ہن تے
 مینوں پار نہیں آوندا
 ایسے وی کئی پھل کھڑے نہیں

اک احساس

اک پاسے دے
 کمنڈھ نال ٹننگی
 میرے باپ دی مورت
 دوجے پاسے دیہڑے دچ نہیں کھیڈ دے میرے بال
 یس دریا دے پل دے وانگون
 دونواں دے وچکار

ورھیاں دے ایس پار پتے نوں
 سیون دا چارہ
 رنگاں بھریاں تصویراں دچ کالی مورت
 (دل دی اکھیوں و ستری صورت)
 مورت میلی ہوندی جاتے
 اپنے ہون دی اصلیت نوں
 کھوندی جاوے
 بھلدی جاوے

بٹکھے شاہ دے حضور

بابا جی !
 میں اوتھے و سناں
 حمتے سارے اُنھے
 نہ کوئی میبری ذات پکھپانے
 نہ کوئی مینوں منے

بُزْدِل

اوہدے تیکر چہا نہ سکّاں
 دلدی گل سنا نہ سکّاں
 اندر جھاتی پا نہ سکّاں
 مہکدی گل مہکا نہ سکّاں

طاعون

گونگے ، بولے ، لوہلے ، لنگڑے

کوہڑ پو کوہڑ لوکو

ٹٹے بھٹے شہر دے اندر

کنج دسدے اد

جہڑے شہر چ

بھٹھے کتے

دھوناں چک چک روندے نہیں

جھٹھے دن نوں اٹو بولن

رائیں ڈیناں وال کھلار کے چکین

جھٹھے بھوٹاں ڈیرے لاتے

جھٹھے آسماناں لوٹن ٹٹ کے کوئی تارا نہیں آوندا

جھٹھے سوپاں دے وچ دیوے ٹر دے

جتھے جنگلی چوہیاں رُل کے
 طاعون دے زہر کھلاڑے
 جتھے زندہ رہن وی خاطر
 مرگتے سارے
 اوس پرانے شہر دے اندر
 کنج و سدے او

پندھ

سبحنوا!
 ساڈیاں لمیاں عمراں
 لما جیون
 ورھیاں وا ایہہ جیون
 اسان پل پل کر کے کھٹیا

ڈنگر کھاوے
 وریا پیتے
 ان مڑکایا
 فروی تھکھے
 کجھ نہ پلے کجھ نہ کھٹیا

مڑوایاں مڑوایاں
 ساری دھرتی گاہی
 پیروی لمے ہوتے

فردی پندھ نہ مکیا

اساں ٹویاں دیوچ بہر کے
 آسماناں ول مکیا
 ساڈیاں نظراں لمے پندھے کیتے
 سورج توں وی پراں دیکھن دا
 چارا کیتا

اکھیاں اکھیاں ہویاں
 کجھ نہ مکیا

مرن دی خاطر
 سوچ دی سولی چڑھ گتے
 فیر نہ موتے

ساڈے جتے پتھر ہوتے
 نہ ہتے نہ روتے

ابن مریم

صدیاں بچھوں ایس دھرتی تے
فیراک عیسے پیدا ہويا

کاسالے کے در در پھریا
پورب پھریا پھریا
سار محبت ونڈ دا پھریا
رشتے گنڈ دا پھریا

لوکاں او پدا کاسا کھویا
عقلاں اُتے عیسے رویا

دھرتی کنسی نبی نبی پھریا
سارے جاگ وچ رولا ای رولا
کوئی آکھے ایہ نھیری جھٹی
کوئی آکھے ایہ وا و رولا

سبھ نے اپنا بوا ڈھویا
آون والا بد دل ہويا

نُون دیاں برس اتاں ہوتیاں
کالیاں سترکاں رتیاں ہوتیاں
کوٹھے، جھگے، قوراں چوتیاں
پتھے کس گتے ماواں روتیاں

فیروی سائتھوں کچھ نہ ہويا
سولی چڑھ کے عیسے ہويا

ویلے نے آوازہ لایا
فیر کوئی آوے مریم جایا

پھٹتے پھاہیا کون وھرے گا
مرن توں پہلاں کون مرے گا

ایہہ سن کے پھتیرا گتے لوکی
چپ دا موہرا کھسا گتے لوکی

سوالی

اے یورپ جان دا ایس توں
 کدی توں وی سوالی سیس
 توں ایہناں گوریاں ہتھاں دیوچ کشکول پھڑیا سی
 توں چنا! کالیاں دے کول جا کے بھیک منگدا سیس
 پراج میں وی سوالی آں

میں اوہناں کالیاں دے وچوں تینوں ملن آیاواں
 جنہاں دے بخت وی کالے نیں
 کالے رنگ دے وانگوں
 جہڑے اپنی ہوا دیوچ
 اپنیاں رُوحاں دے مٹھے گیت نہیں سُن دے
 تیرے دسینکاں وانگوں
 جہڑے سوہنے خواب نہیں تکدے
 جنہاں دے پانیاں نوں وی
 توں سانجھا رہن نہیں دتا

جنہاں نوں بھکھ دے بد لے توں اسلحہ دان کیتاے
 ہیں اوہناں کھکھیاں دے لستی
 تیرے اگے سوالی آں
 میں تیری نظر کرنا واں
 جو میرے کواں ہے پچیا
 توں میرا ہنر، میرا فن، میرے شاہکار وی لے لے
 توں میری سوچ، میری عقل، میرا پیار وی لے لے
 میری ہر چیز توں لے لے
 جیہڑی تینوں پسند آئے

پر اے یورپ
 توں میری شانتی دے دے
 توں میری شانتی دے دے

مجرم

ایشیخ منظر دے ناں)

لو کو!
 اسیں ضمیر دے قیدی
 ساڈیاں جیہاں وڈو
 سانوں سنگلاں دے ناں بھو
 سانوں کوڑے مارو
 سانوں وچ کچھری سڈو
 ناں ہے
 سانوں وی کوئی مُنصف لہتھے
 جس دیاں اکھاں پتھر ہوں
 جس دا کوئی ضمیر نہ ہووے

نجوی

میرے دیس دیو دسینکو
 میری گل تے کن دھرو
 میں تہا ڈی جمن پتری دیکھ لئی اے
 سُنو!

تہا ڈیاں کیتاں دے وچ
 بھکھ اُگے گی

ملاں وچ بندو تاں
 تہا ڈیاں کو بھیاں اُتے
 ہن تے کانواں آہنے پالتے نہیں
 دھوناں اچیاں کرن دا ول
 ہن نہ سکھنا

دھوناں اچیاں کرن والے ہر
 لہہ جانڈے نہیں

منگن والے نوں خیر نہ پانا
 منگ کے کھانا

تہا ڈی قسمت دے وچ رہنے ایہو لکھیا اے

اڈیک

دھیاں دُور ویاہیاں
 ویر نہیں لیندے سار
 کدی کدائیں بابلا
 توں تے پھیرا مار

مہٹی دی خوشبو

مری دھرتی مری ماتے
 توں مینوں جان دی ہوویں گی صدیاں توں
 بڑی مدت دے پچھوں میں
 تری مہٹی تے آیا واں
 تراو اسی ہاں صدیاں توں
 میں تیری لکھ دا جایا
 بھلا کج بھل سکئی ایں
 توں میرا نام نی ماتے
 الف توں لے کے یے تیکر
 ایہہ سارے حروف میرے نہیں
 ایہناں حرفاں توں میرے
 ون سونے نام بن دے نہیں
 میرے ہر نام توں واقف نہیں
 تیری مہ دے جاتے
 میں ایہناں حرفاں توں

میں ایہناں نال پلپاواں
 میں ایہناں نال ہسیاواں
 میں ایہناں نال رویاواں
 تے ہر ڈکھ سکھ دے وچ ماتے
 میں ایہناں نال رلیاواں
 مرے سنگی مرے بلی مرے چاچے مرے ماتے
 ایہہ سارے جان دے مینوں
 توں وی پہچان لے مینوں
 تری مہٹی دی خشبو
 میریاں ساہواں چول آوندی اے
 مری رگ رگ دے وچ چلدا اے
 لہو بن کے - تراپانی
 ایہہ ندیاں کھیت نہراں
 ایہہ جھلاراں کھیت تے بنے
 ایہہ کندھاں کچیاں کوٹھے تے ڈھارے بوہے تے چنے
 ایہہ چھپر دیہلیاں گلیاں تے نالے بوہر دے ساتے

ایہہ بوٹے دی دھر بجاں دے
 جیہڑے ہتھیں سی میں لاتے
 ایہہ سارے جان دے مینوں

توں وی پہچان لے مینوں
 بڑی مدت دے کچھوں میں تری مسٹا تے آیاواں

میں وینا وچ نی ماتے

پتیاں وانگ پھریاواں

ترے رکھاں جی لوری

نہیں لہتی ساری وینا تے

نہ لہتی گیت مینوں تیریاں مٹھنڈیاں ہواواں دے

نہ لہتی آسے مینوں کتوں بھیناں بھراواں دے

ترے توں دکھ ہو کے چھپ نہ کیہ حال سی ماتے

بگائے دیس رلدے نہیں ترے کھی بال نی ماتے

ایہہ لکھوں سانویں تلدے نہیں ترے پتے لال نی ماتے

پرائی ماں پرایا بال سینے کنج لاؤندی اے؟

بھلا سولاں دے اتے دی کسے نوں نیند آؤندی اے؟

میں جیون جاگ کے کھیا اے ایہناں مال نی ماتے

کئی صدیاں دے جگراتے توں
 اکھاں پاٹ گیتیاں نہیں
 ایہہ جُشٹہ تھک گیا میرا
 میری سدھراے سُن مانے
 ترے سینے تے سوں جاواں
 میں تیری خاک توں جمیا
 میں تیری خاک ہو جاواں

بے اعتبارا

جس شاعر نوں انساناں نال پیار نہیں ہوندا
 جیہڑا شعر اوہ کہندا اے شاہکار نہیں ہوندا
 اپنی ذات دے خول چوں جیہڑا باہر نہیں آوندا
 غاش اوہدیاں تھسیریاں تے اتبار نہیں ہوندا

میں کیڈا چنگا ہویا

جے ڈنگر چار دا ہوندا
 میں ڈھولے مار دا ہوندا
 نہ ہوندی دل سے وچ نفرت
 نہ جانوں پیار دا ہوندا

کوئنج

کتنی لنگھیاں مست بہاراں دے
 بچپن نوں وا جاں ماراں دے
 رو رو کے رات گزاراں دے
 ہن کوئی نہیں لیندا ساراں دے
 کمر کلی چھڈیا تے سیاں نے
 مرے جیڈیاں میرے جہیاں نے
 دھوپیر پازیناں پاواں دے
 مہینوں بھیریاں لگن راہواں دے
 کندھاں نال کھندی جاواں دے
 نہ اڈیاں بھول تے لاواں دے
 جدوں گدا پایا سیاں نے
 مرے جیڈیاں میرے جہیاں نے

چک گوریاں گوریاں بانہواں وے
 ہنٹھاں وچ مٹکھ لکاواں وے
 میں دوہری ہوندی جاواں وے
 کدی اپنا آپ چھپاواں وے
 جدناں لپسا تیرا سیاں نے
 مرے جدیاں میرے جہیاں نے
 واکنگھیاں پھل بناتے وے
 اکھیاں وچ بکھلے پاتے وے
 ہندی نال ہتھ رنگاتے وے
 منتھیاں تے ٹکے لاتے وے
 لے سداں تے سالو سیاں نے
 مرے جدیاں میرے جہیاں نے
 پھلاں داسدا لایا توں
 چڑھ گھوڑے اُتے آیا توں
 گل کیسری بھانا پایا توں
 جدو پیرے ساڈے آیا توں
 تڑا سدا گایا سیاں نے
 مرے جدیاں میرے جہیاں نے

میں پھڑ پھڑ روواں تھمساں نوں
 کدی باہل نوں کدی اماں نوں
 کیویں مچھلاں بیستیاں گلاں نوں
 میں ڈک نہ سکی چھپلاں نوں
 جدوں ودھیسا کیتا سیاں نے
 میرے جڈیاں میرے جہیاں نے
 میں آ بیھی گھر تیرے وے
 خوشیاں نے لاتے ڈیرے وے
 سدھراں نے رنگ کھلیرے وے
 میرے کر کے تنگن ودھیرے وے
 رل بھنگڑے پاتے سیاں نے
 مزے جڈیاں میرے جہیاں نے
 تو نہ جد دا ہو یا اوھلے وے
 دل راہواں تیریاں ٹولے وے
 دل سڑ سڑ ہو یا کولے وے
 کیوں اکھ پتی ہنجو ڈولے وے
 نہ چھپسا آ کے سیاں نے
 میرے جڈیاں میرے جہیاں نے

میں ر دوواں اَج تفتدیراں نوں
 کوئی ڈکے و گدیاں نیراں نوں
 کوئی جوڑے پاٹیاں لیراں نوں
 کوئی پاوے نجیر فقیراں نوں
 کیوں مکھڑے موڑے سیاں نے
 میرے جڈیاں میرے جہیاں نے
 اَج کوئی نہ پاندی پھیرے وے
 اَج کندھیاں چار چھیرے وے
 مینوں وڈ وڈ کھان ہنیرے وے
 پیتی جا پے موت بنیرے وے
 ہن چڈیا مینوں سیاں نے
 میرے جڈیاں میرے جہیاں نے

وائٹ ہاؤس

جی کر دے
 تلی تے رکھاں
 پیدا ہو یا سوزج
 تے میں پچھاں
 کیہ تقدیراں نہیں ہن سچھا!
 ساڈے نوین جہان دیاں
 دھرتی تے آسمان دیاں

وَدَّ

اک کڑی سی پیسے منگدی
 جدے کپڑے تاروتار
 اک کڑی پر
 کارچ بہہ کے، مال روڈ دے اُتے
 ہنکاں گئی کھلار
 تے ٹر گئی کار

ط
در

حق دی گل
 بازاراں وچ
 حق دی گل
 اخباراں وچ
 سارے سُن دے
 سارے پڑھ دے
 عمل کدی نہیں کر دے
 میرے شہر دے سارے بندے
 حق منگن توں
 ڈر دے

کشمیر

ورہیاں توں پس دھرتی اُتے
 بھٹھی تپدی پتی اے
 اُتے بیٹھی کالی ماما
 مانجا پتی ہلاکے
 داناں دی تھاں
 بھٹھی دیوچ بندے بھندی جاوے!
 کیہرا آگ بجاوے؟

اسیں و ارث پنجاب کے

میرے سوہنیو! شاعرو! قلمکارو!
اپنے قلم نوں چھووی بنا دیتے

حق کھوہ لیتے فیہ عظاماں توں
سٹا ہویا پنجاب جگا دیتے

پیلے ہتھال تے لایتے چا فیر ہندی
ونگاں سکیاں بانہواں چچ پا دیتے

کڑیاں رل کے رات نوں پاؤن گدا
گھڑے ہسراں تے فیہ چکا دیتے

فیر گوریاں چاواں دے دودھ رکن
ٹٹیاں چرخیاں نوں ماہلاں پا دیتے

بھیناں چوریاں دے لے کے جان چھنے
 بھکھیاں ویراں نوں بھٹا کھوا دیتے

ہل روک دیتے آج ہالیاں دے
 لونگ نک دے فیہر لٹکا دیتے

چھٹو مچھیاں دے گاؤندے پھرن ڈھول
 کتے کوڈی دا ڈھول وجا دیتے

گھبر وزل کے جان فیہر میلپاں نوں
 کتے جگنی دی ہیک لوا دیتے

کو کوڈی واج فیہر پوے کنیں
 پینگھاں باغاں دے وچ لمرکا دیتے

چوں چوں تے ٹک ٹک فیہر سینے
 اُجڑے کھوہواں نوں پار چھے پادیتے

میرے سوہنیو! شاعرو! قلمکارو
اوستا پنجاب جگا دیتے

چھڈو ہوٹلاں نوں چلو ڈیریاں تے
کوئی پیار دی گل سنا دیتے

راوی، اٹک، جھناں تے بیاس، جہلم
پنجاں ویراں دی نشان ودھا دیتے

پھلاں تیز جھناں دیاں مٹھل کے تے
چل کے سوہنی نوں پار لنگھا دیتے

اڈپنوں نوں بھال کے مھلان چوں
فیر سستی دا شہر دسا دیتے

جج موڑ دیتے جا کے کیڑیاں دی
زل کے رابھے نوں ہیسا دیتے

کٹاک روکیے خان شمیر والے
سُتے مرزے نوں فیرجگا دیتے

میرے سوہنیو! شاعر و! قلمکار و!
آؤ سٹا پنجاب جگا دیتے

ایس ویلے دے چوچکاں کیتاں دے
شملے مٹی دے وچ رلا دیتے

وُلے بھٹی جے شیر دا ذکر کر کے
اکبر شاہ دا تخت ہلا دیتے

دیس کریتے چا پاک فرنگیاں توں
احمد کھل نوں رفل پھٹا دیتے

تورٹے ویلے دے حبیل خانے
بھگت سنگھ دیاں بیڑیاں لاه دیتے

ایس دھرتی دی آبرورکھ لیتے
ماں بولی دے مان ودھا دیتے

ایس وارث پنجاب دے پانیاں دے
وارث شاہ دا خواب سجا دیتے

بے حسّی

کس دی خوشی مناواں ایسے
کس دا سوگ منساواں

جمن والیاں لئی ودھائیاں
مویاں دے لئی ہاواں

کیہڑے درتے مہٹھا پیرکاں
کس توں منگن جاواں

سوچاں

سوچاں
 دکھ دی لمی رات دے وانگوں
 مٹکدیاں نہیں
 سدھراں
 کومل کوئی شاخ دے وانگوں
 مٹکدیاں نہیں
 اک سدھرتی
 لکھاں ترے
 لکھ کر ڈر دعاواں
 سورج چن ستاریاں وانگوں
 رت دی چپ
 گزرے ہوتے ویلے وانگوں
 امہدے کولوں کدی جواب نہیں آیا
 کہتا ہے انا ۱۱۰

انج اے جسراں
 جگنو دے کراں یک نہیں ہوندا
 تریل نہیں پیاس بھانڈی
 سوچاں دا پنڈھ مکراناہیں
 سدھر نہیں مر جانڈی

کل تے آج

توں وی بابا بڈھے وارے یورپ دیکھن آیا ایس
میرے پنڈویاں پیار سوخاتاں اپنے نال لیا یا ایس

میرا وی مہن دل کر دالے دیس دا پھیرا لاؤن توں
اپنے گھر توں دیکھن دے لہتی اپنے پنڈول جاؤن توں

ہڈتاں بیت گتیاں نہیں مینوں یورپ دیوچ آتی توں
دیس کدی نہیں بھلیا مینوں پنج ندیاں دی جاتی توں

میسے آؤن دے مگروں بابا کینج گزرنے نہیں سال سنا
پچھرنہ یورپ والیاں گلاں دیس دا مینوں حال سنا

دس خاں سُن وی کڑیاں رل کے ات نوں گدا پاندیاں نہیں
پانی دے نال بھر بھر بھانڈے ضد بضدی چاندیاں نہیں

ہاڑھینے سُن وی بڈھیاں گھراں نوں مٹھی لاندیاں نہیں
ساؤن مہینے وچ مٹیاراں سُن وی پینگاں پاندیاں نہیں

سُن وی لوری دے کے مانواں بالال نوں پرچاندیاں نہیں
سُن وی بھیناں چانواں دے نال اپنے ویرکھڑاندیاں نہیں

دن دہاراں اُتے کڑیاں مہندیاں اُجے وی لاندیاں نہیں
سُن وی جٹیاں سرگی ویلے دودھ مدھانی پاندیاں نہیں

کنکاں وی واڈھی دے ویلے ڈھول اُجے وی جدائے
ساڈے پنڈ دے لینہدے پاسے میلہ اُجے وی لگدائے

چاچا گنیا بوہڑ دے تھلے سرمرزے دے لاندائے
نہر دے کنڈھے بہہ کے رکو جوڑی اُجے وجاندائے

ہن وی گبھرو ڈانگاں کھونڈے تیلان نال چمکاندے نہیں
ہن وی منڈے سے نیلے دیونج ڈنگر چارن جانڈے نہیں

اے وی اٹھ کے اڈھی راتیں ویر جھلا راں جوئے نہیں
کھوہ وی گاڈھی اُتے بہہ کے آج وی ڈھوگا ڈنڈے نہیں

اے وی شام دے ویلے پنڈتوں ڈارکانواں وی منگدی اے
چھت تے بہہ کے ماتی عمران خیراں سبھیاں منگدی اے

ہن وی بابے بولے کولوں کڑیاں منڈے ڈرے نہیں
کچا چھو لیا توڑ کے اوہدا اے وی ہولاں کرے نہیں

ہن وی سارے بڈھے رل کے بوہڑ وی چھانویں بہند نہیں
زل کے سارے حقتہ پینڈے رل کے ڈکھڑے سہندے نہیں

دس خاں وٹھئے ہن وی لوکی پیار محبت کر دے نہیں
زل کے ڈھپاں دیونج سٹرے رل کے پالے ٹھڑے نہیں

نہیں کڑتیے بہن کچھ نہیں اوتھے آپو دھاپی پے گتی اے
 مہر محبت، پیار جیانی قصہ بن کے رہ گتی اے

بہن تے سنگت پاراں والی سُننا بن کے رہ گتی اے
 دُڈھ دُڈھ کھانا اک دُوبے نوں ریت والی پے گتی اے

ہونیاں خواب خیال جھلا راں ٹیوبے یلاں راہ ملے نہیں
 بدلاں دی جوڑی دی مٹھاں بہن نوں ٹریکٹر آگتے نہیں

گھرے مٹی دے ٹٹ گتے کڑتیے گھر گھر نلکے لگے نہیں
 گھر گھر دیوچ ٹیلی ویژن گھر گھر منڈ دے لگے نہیں

پگھاں دی گل کہتے رہ گتی منڈے وال ددھانڈے نہیں
 ہیر تے مرزا مہل گتے سارے بہن تے ڈسکو گانڈے نہیں

کڑیاں نے بہن وال کٹا لے گت پراندے مہلیاں نہیں
 بہن تے وانگ شدا بیاں اوتھے سمجھ دیاں لفاں مہلیاں نہیں

گھر گھر دیوچ پکھے چلے کیہڑا چھانویں بہندا ای
گھر دیاں جتیاں دیوچ دی بندہ کل موکلا رہندا ای

نہ ہن دین گڑتے شکر نہ ہن جُجھے بلیے نہیں
گتے وڈھ کے ہن تے سارے ملان دے ل گھلے نہیں

ٹٹ گتے ہل پنجالیاں موہلے ٹٹ گتے ہتھ دی چسکی وی
مانی غمراں دوردی گل اے خیر نہیں منگدی سکی وی

ٹٹ بھج دے نال لگن والی اک سنبھالی پھر دے نہیں
ہن تے کڑیے میرے ورگے پاک سنبھالی پھر دے نہیں

ساڈیاں قدراں دے نال بجلی کیہ کیہ کارے کر گتے اے
لپ کو چانن دے کے ساڈے گھر پیرے نال بھر گتے اے

وڈیاں وڈیاں بلباں کولوں لو دیوے دی چنگی سی
بھل جا ہن اوہ سوہل جیانی تھیری اوتھے لکھی سی

ساڈے کول پرانیاں گلاں رت نوپاں دی آئی اے
 ساڈے کول ہن کجھ نہیں کڑیے جد دی بجلی آئی اے

دیکھ لوں گی توں دی سبھ کجھ جد توں اوتھے جاویں گی
 سارے پنڈ وچ اپنے آپ نوں کل مکلی پاویں گی

بھڑیاں نظراں دے نال لوکی تینوں دیکھن جا کھن گے
 پشتیاں گلاں بے توں چھپیاں تینوں پاگل آنھن گے

ہے ہن اوتھے کجھ نہیں بابا فر میں اوتھے جانا کیہ؟
 دل ٹٹ جاوے تے فر جھوٹیاں ساں ال پر جانا کیہ؟

وینس

اے وینس
 توں کسے شاعر دے سوہنے خواب ورگا ایس
 جہڑا اوہ جاگدیاں
 اکھیاں دے نال تکدا اے
 تیرے چہرے تے مہولاپن ایس
 نیکے بال دے وانگوں
 جہڑا ستاوی ہسد اے

ترے مچلاں دا چانن نچدا اے وچ پانی دے
 ترے پانی دیاں چھلاں میں جہراں لے پیا نو دی
 ترے پانی دے وچوں تارے اپنا حسن تکدے نہیں
 ایہہ گلپان محل چو بارے تے نالے سا بکھ نہراں دی
 بڑی خوش رنگ لگدی اے۔

تیرے باغاں دی خوشبو ہمارے مستی ہو اداں دی
 مینوں ملہار لگدے نہیں سہانے سمر ملا حواں دے
 تے تیرے گرجیاں اندر مجھے ابنِ مریم دے
 زمیں تے انبراں دی
 اک عجب تجربہ لگدے نہیں

بڑی کاری گری دے نال متھے تیرے مہجلاں دے
 تراشے نہیں ہنر دے بادشاہواں نے
 ترے میں حسن دے چہرے سنے سارے زمانے توں

اے ونیس
 توں تے سوہنا ایں زمانے توں
 بڑے دیساں بڑے شہراں بڑے پنڈاں توں سوہنا ایں
 میں ٹر واہنس نوں وی ویکھیا اے باغ دے اندر

پراوہ وی
 تیرے دگدے پانیاں دی ٹورور گا نہیں
 بڑا سوہنا ایں ونیس پر
 توں میرے لہورور گا نہیں

سنسار اندر

ہاواں بھر دیاں اکھاں بچ رات لنگھے
دن بیت داتے وچ سپا پیاں دے

جٹہ سدھراں والیہ لیر ہویا
جان پھس گئی اے وچ چھاپیاں دے

ایس نفنرتاں بھرے سنسار اندر
مان کر تے کیویں یار انیساں تے

سکے ویر وی ویر کسان ایہ تھے
سنگ ٹٹ جان پھیڑ وچ ماپیاں دے

ایوارڈ

ایسے بہادر
 ایسے جوان
 اُساں ہوا وِج
 تیر چلا تے
 نویں اڈاری اڈن والے
 سارے پنچھی
 مار مکاتے
 سانوں فیر ایوارڈ ایہہ ملیا
 ایسے بہادر
 ایسے دلیر

پُورب پکھم

ایہہ دُنیا ایں ڈاہڑی چنگی
اپنے رنگاں دے وچ رنگی
نہیاں نہیاں پین پھوہاراں
ہر دم ایٹھے رہن بہاراں

پھلاں دے نیں رنگ نرالے
رَب نے اپنے رُوپ چ ڈھالے
جنت ورگیناں ساریاں تھانواں
ایٹھے جھمبیر پان ہواواں

معصومی دا سچسا ناناواں
بال منر شتے مریم مانواں
نُس نُس کر دیاں نیں مٹیاراں
پریاں وانگوں پھر دیاں ڈاراں

سونے وانگ سہنری زلفاں
 جھیلان نیلیاں نیلیاں اکھتیاں
 چائیں چائیں پیسار نہیں کر دے
 کیدو کولوں ایہہ نہیں ڈر دے

نہ کوئی مرزا تیر چلاوے
 نہ کوئی رانجھا مندراں پاوے
 نہ کوئی ونبھلی پھرے و جاندا
 نہ کوئی گاؤن ہجر دے گاندا

ایہہ منڈے نہیں کھارے چڑھدے
 نہ گھوڑی دیاں واگاں پھڑوے
 نہ کوئی چاچی گھوڑیاں گاوے
 نہ کوئی بھابی سدمہ پاوے

بھین نہیں واگ پھڑائی سنگدی
 نہ کوئی نار ویاہوں سنگدی
 نہ کوئی ایستھے ہندی لاندی
 نہ دوہٹی مکلاوے جانندی

ایتھے ماں نہیں چہرے ڈاہندی
 دھی دے لئی نہیں واج بناندی
 نہ ماں صدقے واری جانندی
 نہ ایتھے سس شگن مناندی

کوئی مر جاوے تے نہ ر دون
 اپنے سر دے وال نہ کھوون
 نہ ایہہ وین سیالے کر دے
 نہ ایہہ مویاں دے نال مردے

کل مکے عسراں رہندے
 دکھ کسے دا کدی نہیں سہندے
 بے حسّی دا موہرا کھاندے
 اپنی ذات دا کرب لکاندے

چہرے تے احسّاق دی لالی
 پر دل نہیں احساس توں خالی
 ایتھے خوشیاں چارے پاسے
 ایتھے دکھ دکھ پیندے پاسے

ایتھے زر دا دریا وگے
 مینوں کجھ نہ چنگا لگے
 دیس ایہ مینوں مول نہ بھائے
 مینوں میرا دیس بلاوے

جتھے دن وی رات جہا اے
 جیون اک سزا اے
 سکاں ہوتے ہاواں
 پندیاں نت بلاواں

جتھے ہیراں موہرے کھا دن
 سوہنیاں ڈٹ ڈٹ جا دن
 پھانسی چڑھدے
 جنداں تھلے مرزے مرے

جتھے دکھ ای دکھ اے سروی
 جتھے جھکھ ای جھکھ اے فروی
 جی کردا اے اوتھے جاواں
 ادھری دھور دا سرمہ پاواں

تاہنگ

مرے راوی، مرے راوی
 تیرا پانی تے میرا لہو
 کھسے نے وتیج و تالے
 تیرے پانی دے نال سُن تے
 چڑی وی جھنج نہیں بھر دی
 میری دھرتی وی میرا بھار سُن برداشت نہیں کر دی۔

میرے راوی میرے راوی
 ایسے مجبور ہاں دونوں
 توں سکا ایل
 میں جھکتا وال
 کدی تے آن پجاں گا
 تیرے سگے کنارے تے
 فیرا وہ بھلیاں ہوتیاں گلاں
 فیرا وہ دوسرے ہوتے ماہیے

فیرا وہ ٹپیاں ہوتیاں تاناں
 ایسے پرانے گاؤں اوہ جہڑے
 کدی تیرے کنارے تے
 تیرے ای چھیڑوواں دے سنگھ دے وچکار جوٹے
 خوشی والی اوہ شہنائی
 جو بن گئی راگ دکھاں دا
 اوہ و بھلی پیار دی جہڑی
 اللارم بن گئی بھکھ دا
 میں۔ اوہو ڈھول جو اعلان کردا سی
 تیرے سکھ دا
 وجا واں گا
 میں آواں گا

میرے راوی میرے راوی
 ذرا آواز دے مینوں
 کدوں دا میں ترسناواں
 تری اک شام وکھین لوں
 ایہہ اکھاں ترس گتیاں نہیں
 مرے بختے دی مٹی وی ترس دی اے

ترے پانی دی ٹھنڈک نوں
 ترے گارے نوں جی کر داسے
 میں اپنے جسم تے لاواں
 تیری تپدی ہوئی دھل دے اُتے
 دوڑ دا جاواں
 فجر ہو دے

تیرے سینے دی ٹھنڈی وانوں میں چٹیاں
 میرے تے قرض ہے
 لکھاں نمازاں دا
 کراں سجدے میں تیرے پانیاں دے مال
 وضو کر کے

میرے راوی ، میرے راوی
 میں آواں گا میں آواں گا
 تیرے درتے



ساڈی رحلت دا وڈا حصہ کھیتاں دے منظر ایں وچ حیاتی گزاردا اے۔ طفیل خلش دے

دل تے دماغ چہ ایہہ منظر ہر ویلے تر تھلی پائی رکھدے نیں، اوہنوں ہل پنجمالی، جوگاں، ہالی تے میٹاراں ہر ویلے شاعری تے اکساندے رہندے نیں۔ اوہدے شعراں وچ پورا پنجاب کدے ہسد اوسدا تے کدے ہونیاں تے ان ہونیاں دے دکھ جردا محسوس ہندا اے۔ اوہدے شعراں چوں سستی تے سرہیوں دے ساگ دی رلی ملی خشبو اوندی رہندی اے۔ اوہدی شاعری دا ایہہ وصف اوہدے دھرتی نال جڑے ہون دا یقین دوان لئی کافی اے۔

حسین شاد

۱۹۹۲-۱۳

”مٹی دی خوشبو“، طفیل خلش دیاں اوہناں معصوم تے تریل دھوتیاں سدھراں دی شاعری دا مجموعہ اے، جیہہ یان اپنی رحلت توں اڈھو کے اوہدے ہر دے وچ آپ مہارے پنکریاں نیں۔ اوہ یورپ دی لشک پنکریاں وچ رہ کے سائنسی ترقی دے اوس ماحول نوں ویکھدا ای نہیں سگوں مان داوی اے کہ جس نے انسانی حیاتی وچ آنتاں دیاں سہولتاں پیدا کر کے اوہنوں اُکی سوکھی تے سوکھالی بنا دیتا اے، اجنبی ماحول وچ اوہ محسوس کردا اے کہ اوہدی اپنی پچھان کیہ اے؟ تے اوہ اپنے اندروں جیہڑی خشبو محسوس کردا اے اوہ اوس مٹی دی خشبو اے، جیہدے وچ سوہنیاں صحت و نقد ران نیں۔ اوس مٹی وچوں اُگے پھل تے بوڑھدے رُکھ جیہڑے گوڑھیاں چھانواں دیندے نیں تے جہاں دے تھلے بہہ کے لوک رل کے حقہ پیندے نیں، رنگے گیت، ڈھپاں تے پالے رل کے جردے اوہدے سنگھی ساتھی، چاننی رات وچ گدا پاندیاں میٹاراں تے اوہناں دے مہندی رنگے ہتھ، گھراں وچوں اُٹھدا گوہیاں دادھوواں، بالان تے گھروواں دیاں معصوم کھیڈاں، واڈھیاں اُتے وجدے ڈھول، مرزے دیاں سُرناں، جوڑی دی تان، گھروواں دے لکڑے، گڑیاں تے مُنڈیاں دا بالے بولے کولوں ڈرناتے گھراں دیاں کندھاں اُتے لپی سلنھی سلنھی مٹی، ایہناں ساریاں وچوں اوسے مٹی دی مٹھی مٹھی خشبو اوندی اے جیہڑی اوس دے پُٹے وچوں آوندی اے۔ اوہدی جا پے ترقی دے ایس ماحول وچ بندہ بھر پور حیاتی گزار دیاں وی کلارہ گیا اے، اوس نوں دسیا جاندا اے کہ تیرے اپنے دیس دا ہن ایہہ حال ہو گیا اے کہ:-

گھر دے جیاں وچ وی بندہ کل مُکلا رہندا اے

تے اوہ سوچدا اے، دیکھو

ساڈیاں قدر ایں دے نال بجلی کیہ کیہ کارے کر گئی اے
لپ کو چانن دے کے نال ہنیرے دے گھر بھر گئی اے
(کل تے آج)

اوہدا ایہہ احساس، آج دے عالمی ماحول وچ اک ساؤ انسان دا احساس اے اوہدے سامنے آج دی ترقی دی اے تے ایس پاروں تنزل دی ایہہ تنزل انسان دے مادی ہو جان تے اوہدے وچوں دو جے انسان واسطے پیدا ہون والی مہر، محبت، خلوص، ایثار تے بھرپن دے مک جان پاروں آیا اے، اوہ سمجھدا اے نوں تہذیب نے لوکاں نوں بد تہذیب بنا دیتا اے، ملاں دے رولے نے انسان نوں اک دو جے دی آواز سسوں وی آ کر دیتا اے اوہ اللہ تعالیٰ نوں فریاد کردا اے کہ دنیا اُتے آسن ورتا دیوے تاں جے جنگاں دے رولے وچ انسان جیہڑی آواز دو جے انسان نوں نہیں پڑا سکدا، ایہہ آواز پڑا سکے، بندہ بندے دے کول آوے، بندہ بندے دا دارو بنے، اتھے مہر، محبت، خلوص، ایثار تے بھرپن کھنڈ جاوے۔

مکدی گل ایہہ اے کہ، مٹی دی خوشبو، اک پاسے طفیل خلش دے اپنی سوہنی دھرتی تے رحلت نال جڑے رہن دی تاہنگھ دا اظہار اے، دو جے پاسے آج دے انسان نوں اوہناں قدر ایں نوں اپنان وی پریرنا دی اے، جیہڑیاں انسان نوں حیوان بنا نوں ڈکدیاں رہندیاں نیں۔

77

ڈاکٹر شہباز ملک

چیئر مین شعبہ پنجابی، پنجاب

مورخہ ۲۱ فروری ۱۹۹۲